

Materion Ariannol

Mae'n bosib y gwelwch fod eich sefyllfa ariannol wedi newid o ganlyniad i fod mewn rôl gofalu. Fel gofalwr, efallai y byddwch yn canfod fod gennych lai o arian yn dod i mewn, a mwy o arian yn mynd allan ar bethau megis biliau gwresogi, offer, cludiant. Mae nifer o ofalwyr yn canfod bod ganddynt broblem gyda dyled, ond mae sefydliadau ar gael sy'n gallu rhoi cefnogaeth, gwybodaeth a chynghor arbenigol i'ch helpu i ddelio â materion ariannol.

Pwy bynnag ydych chi, a pha bynnag ofal rydych yn ei ddarparu, mae'n bwysig eich bod yn cael y cymorth ariannol rydych ei angen, ac y mae gennych hawl iddo. Mae nifer o ofalwyr sydd â'r hawl i hawlio budd-daliadau a lwfansau – iddynt hwy eu hunain neu i'r person maent yn gofalu amdano – yn methu â gwneud hynny oherwydd bod y broses yn ymddangos yn rhy gymhleth, neu yn teimlo fel petaent yn gofyn am gardod.

Cofiwch:

- Mae'n bosib fod gennych chi, neu'r person rydych yn gofalu amdano, hawl i geisio am gymorth ariannol – yn ddibynnol ar oedran, anghenion ac incwm – ac mae wastad yn werth gwirio i weld a oes budd-daliadau y gallwch eu cael.
- Gallwch un ai gysylltu â'r sefydliadau statudol yn uniongyrchol neu geisio cyngor gan sefydliad o'r trydydd sector e.e. Age Cymru neu Cyngor ar Bopeth (CAB). **Turn2us** yw elusen genedlaethol sy'n helpu pobl mewn caledi ariannol cael mynediad i fudd-daliadau lles, grantiau elusennol a gwasanaethau cefnogol – **0808 802 2000** neu ewch i'w gwefan www.turn2us.org.uk
- Gall un budd-dal fod yn basbort i dderbyn un arall, a dylech ymgeisio am fudd-daliadau cyn gynted ag y gallwch – ni ellir ôl-dalu nifer ohonynt.
- Mae'n bosib y gallwch hefyd gael cymorth ariannol trwy grantiau a chronfeydd llesiaannol i helpu i dalu am bethau na fydd cynlluniau eraill yn eu hariannu – gall sefydliad trydydd sector fel y Gwasanaeth Cynnal Gofalwyr (**01248 370797**) eich helpu gyda hyn.

Materion Ariannol

- Os caiff eich cais ei wrthod neu pe baech yn derbyn llai o fudd-dal na'r hyn y credwch y mae gennych hawl iddo, gallwch apelio yn erbyn y penderfyniad – gall sefydliad megis CAB (**0808 27 87 922**) eich helpu gyda hyn.

Os ydych chi, neu'r person rydych yn gofalu amdano, yn derbyn neu'n yn mynd i dderbyn gwasanaeth Gwasanaethau Cymdeithasol Gwynedd, gallwch gysylltu â'r Uned Incwm a Lles (**01286 682632**). Maent yn cynnig gwasanaeth cynhwysfawr ar faterion hawliau lles, a gallant sicrhau eich bod yn hawlio'r budd-daliadau sy'n ddyledus i chi.

Cymorth ariannol i ofalwyr:

Lwfans Gofalwyr – dyma'r prif fudd-dal ar gyfer gofalwyr hŷn nag 16 mlwydd oed sydd ar incwm isel ac sy'n treulio 35 awr neu fwy bob wythnos yn gofalu am rywun sy'n derbyn budd-daliadau anabledd penodol. Cysylltwch â'r Uned Lwfans Gofalwyr – **0800 731 0297**

Credydau Gofalwyr – credyd Yswiriant Gwladol sy'n gadael i ofalwyr gronni blynyddoedd cymwys ar gyfer y Pensiynau Gwlad sylfaenol ac ychwanegol. Mae'n bosib y byddwch yn gallu cael y Credyd Gofalwyr os ydych yn darparu gofal i un neu fwy o bobl anabl am gyfanswm o 20 awr neu fwy bob wythnos, ac nad ydych eisoes yn derbyn y Lwfans Gofalwyr. Ceisiwch ar-lein <https://www.gov.uk/credyd-gofalwyr/sut-i-wneud-cais> neu ffoniwch **0800 731 0297**

Cymorth ariannol i chi a/neu'r sawl rydych yn gofalu amdano:

Credyd Pensiwn – mae hyn yn gwarantu lefel incwm penodol. Fel gofalwr mae'n bosib y byddech hefyd yn gymwys am Credyd Pensiwn ychwanegol. Cysylltwch â'r Gwasanaeth Pensiwn – **0800 99 1234**

Taliad Tanwydd y Gaeaf – dyma daliad blynyddol tuag at wresogi yn y gaeaf i bobl dros 66 mlwydd oed neu bobl sydd ar incwm isel. Cysylltwch â'r Llinell Taliadau Tanwydd y Gaeaf – **0800 731 0160**

Credyd Cynhwysol – ar gyfer pobl rhwng 16 a 66 mlwydd oed, ar incwm isel, nad ydynt yn gweithio neu sy'n gweithio llai nag 16 awr yr wythnos. Cysylltwch â'r Llinell Gymorth Credyd Cynhwysol – **0800 328 1744** – neu ceisiwch ar-lein <https://www.gov.uk/credyd-cynhwysol/sut-i-wneud-cais>

Budd-dal Tai – yn cynorthwyo gyda thaliadau rhent os ydych ar incwm isel. Cysylltwch â'r Cyngor – ffoniwch **01286 682689** neu e-bostiwch budd-daliadau@gwynedd.llyw.cymru

Gostyngiadau ac Ad-daliadau ar y Dreth Gyngor – mae gostyngiadau ac ad-daliadau ar gael os ydych yn byw ar eich pen eich hun, ar incwm isel, neu os ydych yn edrych ar ôl rhywun sydd ag anabledd dysgu / salwch meddwl neu'n gofalu am rywun nad ydynt yn âr / gwraig / partner / plentyn i chi ac sy'n derbyn budd-daliadau. Mae posib cael gostyngiad o 50% ar y dreth Gyngor. Hefyd mae'n bosibl hawlio gostyngiad o un band prisio yn eich Treth Gyngor e.e. bydd eiddo Band C yn cael bil Band B, os yw'r eiddo wedi ei addasu tu mewn i rywun ag anabledd sylweddol a pharhaol sy'n byw yn yr eiddo e.e. ystafell ymolchi ychwanegol; mae'n rhaid bod yr addasiad yn hanfodol neu'n bwysig iawn i lesiant y person anabl.

Cysylltwch ag adran y Dreth Gyngor – **01286 682700** neu e-bostiwch TrethCyngor@gwynedd.llyw.cymru

Benthyciad Trefnu – nid oes modd cael benthyciad argyfwng bellach ond os oes angen i chi geisio am fenthyciad ar gyfer eitemau i'r tŷ neu gostau byw, ac yn derbyn Credyd Pensiwn neu Lwfans Cyflogaeth a Chymorth (ESA) yn seiliedig ar incwm, cysylltwch â **0800 169 0240**. Os ydych yn derbyn Credyd Cymhwysol, gallwch derbyn **Taliad Cyllidebu Ymlaen Llaw** – cysylltwch â'ch Canolfan Byd Gwaith lleol.

Lwfans Gweini – ar gyfer pobl dros 66 mlwydd oed sydd angen cymorth gyda gofal personol oherwydd anabledd. Telir hwn ar gyfraddau gwahanol, yn ddibynnol ar y gofal sydd ei angen. Cysylltwch â'r Adran Gwaith a Phensiynau – **0800 731 0122**

Y Cynllun Motability – mae hwn yn rhoi cymorth i lesu car, sgwter / cadair olwyn â motor i bobl sy'n derbyn budd-daliadau anabledd penodol. Ar gyfer y Cynllun Ceir, cysylltwch â *Motability Operations* – **0300 456 4566**

Lwfans Cyflogaeth a Chymorth (ESA) – ar gyfer pobl rhwng 16 a 66 mlwydd oed nad ydynt yn gallu gweithio oherwydd anabledd neu gyflwr iechyd. Cysylltwch â – **0800 328 1744** neu geisiwch ar-lein www.gov.uk/lwfans-cyflogaeth-a-chymorth/sut-i-wneud-cais

Lwfans Byw i'r Anabl (DLA) – hawliau newydd ond ar gyfer pobl plant sydd ag anableddau difrifol ac sydd angen cymorth gyda gofal personol a symudedd. Cysylltwch â'r Adran Gwaith a Phensiynau – **0800 121 4600**

Taliad Annibyniaeth Bersonol (PIP) – Mae dwy elfen i'r taliad, sef elfen y gofalwr ac elfen symudedd. Mae'r dau elfen yn cynnwys dau gategori. Cysylltwch â DWP - Ceisiadau PIP – **0800 917 2222** – Holiadau – **0800 121 4433**

Trwydded Deledu – gall pobl sy'n ddall neu sydd â nam **difrifol** ar eu golwg dderbyn disgownt o 50% ar gost eu trwydded deledu. Am fwy o wybodaeth cysylltwch â *TV Licensing* – **0300 790 6042**

Cymorth Dŵr Cymru – gallwch gael gostyngiad ar eich bil dŵr os ydych chi ar fudd-daliadau penodol, neu os oes gennych gyflwr meddygol penodol neu gael help os ydych chi ar incwm isel. Ewch i www.dwrcymru.com/cy-gb/support-with-bills/helpu-tarriff am ragor o wybodaeth neu ffoniwch **0800 052 6058**

Os ydych yn byw yn blwyfi Gellilydan, Trawsfynydd, Bronaber, Maentwrog a Llanfestiniog, Talsarnau a Llandecwyn, efallai y gallwch gael grant hyd at £100 tuag gost gwres, gan **Yr Ymddiriedolaeth Goffa Guy Howland Jackson**. Am ragor o wybodaeth, cysylltwch â'r Ysgrifenyddes, Angela Swan, angelaswann@hotmail.com neu **01766 770686**

Problemau gyda Dyledion?

Os oes gennych broblemau gyda dyledion, mae'n well trefnu modd i ddechrau ddelio gyda nhw cyn gynted ag y bo modd. Ni fyddant yn diflannu os ydych eu hanwybyddu ac mae'n bosib iawn bydd y sefyllfa'n gwaethygu. Mae yna nifer o asiantaethau a all gynnig i chi cyngor a chymorth sydd yn rhad ac am ddim.

Cyngor Am Bopeth (CAB) – yn cynnig cymorth gyda problemau dyled, yn ogystal â chyngor ariannol cyffredinol. Cysylltwch â nhw ar **0808 27 87 922** neu e-bostiwch admin@cabgwynedd.org.uk neu ewch ar eu prif wefan lle mae'n modd cael cymorth am ddyledion

www.citizensadvice.org.uk/cymraeg/Dyled-ac-arian

Pay Plan – yn amcanu helpu pobl i ddod yn rhydd o ddyledion gan ddarparu cyngor clir a gonest a datrysiadau i ddyled sydd yn gweithio. Does dim ots faint o ddyled sydd gennych neu beth yw'ch sefyllfa, bydd eu hymgynghorwyr yn helpu. Mae ganddynt ffurflen ar-lein www.payplan.com/contact-payplan/ neu gallwch eu ffonio ar **0800 280 2816**

Shelter Cymru – mae ganddynt wasanaeth sydd yn darparu gwasanaeth cyfrinachol drwy e-bost a ffôn. Cysylltwch â nhw ar **01248 671005** neu e-bostiwch osianlAshletercymru.org

StepChange - yn cynnig cyngor arbenigol ynghylch dyledion ac ystod eang o ddatrysiadau i ddyled. Does dim ots sut mor fawr neu fach yw'r problem dyled, gallent eich helpu. Cyngor dyledion hyblyg ar gael ar-lein www.stepchange.org/contact-us.aspx neu dros y ffôn **0800 138 1111**